

Antonio Grimani, *olim* zeneral; *ita* che non hanno più da tuor. Fo ditto sono *etiam* di opinion di expedirlo, prima cha i altri. Le qual cosse non si trovano tanto mal, quanto si credeva, nè *etiam* per il processo venuto di armada.

33 *A di 23 ditto.* Fo colegio. Vene letere et avisi, come la madona di Forlì, rechiesta dal papa, il fiol la mandava a Roma. Or par quel francese, o ver guascon, che la prese, con 300 fanti si pose in strada dove la passava, et fo li a Forlì, perhò che mai era mossa; ma stava li im palazzo, et la tolse. Et è opinion, facesse per haver il resto di la taia, fin ducati 20 milia, di qual non havea auti *solum* 1000. Altri dice, lei medema li darà, perhò che si sa, havia mandato ducati 50 milia in contadi a Fiorenza, et altre robe per valuta di ducati 150 milia, et dove è *etiam* li soi figlioli.

*Da Cataro, vene letere di sier Francesco Querini, rector et provedador, di 15 et 16 et 29.* Come havia aviso, il signor turco esser a Philipopuli amalato, et che preparation alcuna non vedeva di campo terestre; sì che è bona nova *etc.*

Da poi vene, come ditta madona era stà rescata dal ducha di Valentinois, per ducati 4000, che li dete in contadi a quel capetanio, sì che mai non ave altri danari cha questi 4000 ducati.

È da saper, in questi giorni, sier Vincenzo Capello, *quondam* sier Nicolò, e li Capelli, fo di sier Vetur e compagni, feno una vendeda di uno collar haveano im pegno dil re di romani presente, bellissimo, qual li stava in zerecha ducati 25 milia. Or con li oratori di Rossia, erano qui, feno un merchado di venderlo al re suo per ducati 36 milia, in questo modo: ducati 12 milia di contadi, el resto fino a la summa di ducati 36 milia in tante pelami; zoè carati 16 tra dossi e vari, a ducati 36 el mier; 6 carati di zebellini, a ducati do e mezo il pezo; et carati do armelini, a ducati X il 100. Et li dà ducati 1000 di presente, con questo si aspetti 5 mexi, nel qual tempo darà li danari et li pellami, conze e condute fin uno anno fin a Porto Gruer. Et non li dagando, habino perso dicti ducati 1000, con altre condition fate tra l'horò. Et intisi; che dicti oratori, uno di qual parlava latim, li comprava per il re, el qual havia fato uno per di bolzegini a una soa fiola, adornati di zoie, che li costava ducati 16 milia *etc.* (Si chiama imperator di le Rossie, et ducha di Moschavia, si sta mexi 3 andar.)

*A di 24 zener.* Fo pregadi. Si have avisi di più vie, come alcune zente dil signor Lodovico, per numero 8000, erano venute avanti in Valtolina, et ha-

veano preso 4 castelli, et che... Visconte doveva venir con molti sguizari, sì che à principiato a far novità, *adeo* dete che pensar a molti. È da far provision.

*Da Milan.* Par, missier Zuan Giacomo Triulzi habi mandato 3000 fanti versso Valtolina; et si dice queste zente, è in Romagna, farà ritornar indriedo per mandarle a l'incontro di ditto signor Lodovico.

*Da Ferrara.* El ducha non va a Roma come havia ditto, et havia auto assa' danari; è suspeso pagamenti *etc.* per questa sua andata, sì che non andarà e arà li danari.

*Da Forlì.* Come quella madona fu recuperata dal ducha di Valentinois, che dete a quel capetanio guascon ducati 4000; et le zente se aviava versso Pexaro. Quel seguirà, scriverò.

*Da Rimano, vidi una letera di sier Francesco Capelo, el cavalier, provedador, di 22.* Come ivi si ritrovava cavali 1150, zoè 400 dil signor, et 600 dil signor Bortolo d'Alviano, qual era ivi venuto, et 150 cavali lizieri. Haveano fato far uno bastion; stava in arme tutavia, aspectando il campo passi, e vadi a Pexaro.

*Di sier Alvise Marzello, era capetanio di le nave.* Si have aviso come, venendo con uno gripo sora colfo di Ludrim, si rupe, anegò tutti li homeni, lui con do solli erano scapolati *etc.*, qual veniva qui a presentarsi a le prexom, justa i mandati.

*Di sier Simon Guoro, provedador di l'armada, di 5, a presso la Zefalonia, et sier Domenego Malipiero, provedador.* *Etiam* scrive insieme, come haveano habuto il comandamento dil zeneral di vegnir de qui, et subito, expedita quella impresa, verano justa i mandati, scusandossi loro *etc.*

In questo conseio fu posto 4 decime al monte 33\* nuovo per li bisogni occorenti, a pagar le do prime a di 8 fevrer, et le altre do a di 20, con don di X per cento, posendo seontar el pro' di monte nuovo et l'imprestedo prestado *gratis*.

*Item, fo facto provedador im Lombardia sier Domenego Bolani, vien luogo tenente di la Patria di Friul, fo soto sier Piero Marzello, fo provedador in Friul, quondam sier Giacomo Antonio, el cavalier; el qual sier Domenego Bolani, avanti zonzesse qui, a di 26 fu electo in gran conseio consier di Venexia.*

Intisi come a Fiorenza, in questi giorni, essendo stà posto un balzello per andar a Pisa, et li danari posti in uno loco, et par che uno di diece metesse le man suso, et se ne è fuzito a Pisa. Questo ho scritto a memoria; saperò poi la verità.

Uri morite in questa terra domino Zorzi Valla,